

- 614 -

BOSNA I HERCEGOVINA  
FEDERACIJA BOSNE I HERCEGOVINE  
ZENIČKO-DOBOJSKI KANTON  
OPĆINA ZAVIDOVIĆI  
OPĆINSKO VIJEĆE



Broj: 01-23-2368/11

Datum, 14.10.2011. godine

Na osnovu člana 8. i 10. stav 1. tačka 1. podtačka b), c) i f) Zakona o komunalnim djelatnostima („Službene novine Zeničko–dobojskog kantona“ broj 17/08) i člana 25. stav 1. tačka 2. Statuta općine Zavidovići („Službeni glasnik općine Zavidovići“ broj 5/2008 i 5a/2008), Općinsko vijeće Zavidovići na 38. sjednici, održanoj dana 14.10.2011. godine donijelo je

## **ODLUKU**

o tehničkim uslovima minimalne opremljenosti,  
i stručnoj osposobljenosti davalaca komunalnih usluga

### **Član 1.**

Ovo odlukom utvrđuju se tehnički uslovi minimalne opremljenosti i stručne osposobljenosti obavljanja komunalnih usluga, koje se povjeravaju Javnom komunalnom preduzeću «Radnik» d.o.o. Zavidovići.

### **Član 2.**

Javno komunalno preduzeće «Radnik» d.o.o. Zavidovići, za obavljanje povjerenih komunalnih usluga raspolaže odgovarajućom opremom i sredstvima, koja zadovoljavaju tehničke uslove minimalne opremljenosti za obavljanje komunalnih usluga.

Oprema i sredstva iz stava jedan ovog člana prilažu se uz predmetnu odluku i čine njezin sastavni dio.

### **Član 3.**

Javno komunalno preduzeće «Radnik» d.o.o. Zavidovići, za obavljanje povjerenih komunalnih usluga raspolaže odgovarajućim stručnim kadrovima koji mogu obezbijediti stalno i kvalitetno obavljanje komunalnih djelatnosti

Pregled radne snage sa procentualnim učešćem angažmana po svim uslugama prilažu se uz predmetnu odluku i čine njezin sastavni dio.

### **Član 4.**

Javno komunalno preduzeće «Radnik» d.o.o. Zavidovići, dužno je pružati usluge koje odgovaraju kvalitetom i standardom koji su propisani Odlukom o standardima komunalnih usluga na teritoriji općine Zavidovići.

### **Član 5.**

Ova Odluka stupa na snagu prvog narednog danom od dana objavljivanja u «Službenom glasniku općine Zavidovići».

**PREDSJEDAVAJUĆI  
OPĆINSKOG VIJEĆA**

(M.P.)

ing. Radosav Petrović, s.r.

## OBRAZLOŽENJE

### PRAVNI OSNOV

Članom 10. tačka 1. podtačka b) i c) Zakona o komunalnim djelatnostima Zeničko – dobojskog kantona („Službene novine Zeničko–dobojskog kantona“ broj: 17/08 ), propisana je obaveza davalaca komunalnih usluga:

„b) da posjeduje odgovarajuću opremu i sredstvarada za obavljanje komunalnih djelatnosti sukladno propisu koji će usvojiti općinsko vijeće;

c) da raspolaže odgovarajućim stručnim kadrom koji mogu obezbijediti stalno i kvalitetno obavljanje komunalnih djelatnosti sukladno propisima koji će donijeti Općinsko vijeće;“

### RAZLOZI DONOŠENJA ODLUKE

Dana 08.01.2009.godine stupio je na snagu Zakon o komunalnim djelatnostima Zeničko–dobojskog kantona.

Članom 49. Zakona o komunalnim djelatnostima Zeničko–dobojskog kantona („Službene novine Zeničko–dobojskog kantona“ broj 17/08 ), određeno je: „Općinska vijeća će najkasnije u roku od jedne godine od dana stupanja na snagu ovog zakona donijeti podzakonske propise propisane ovim Zakonom“.

Općinski načelnik je Rješenjem 02-23-5599/10 od 04.11.2010.godine, imenovao komisiju za izradu prijedloga odluke iz Zakona o komunalnim djelatnostima koje će razmatrati i usvojiti Općinsko vijeće Zavidovići.

Javno komunalno preduzeće «Radnik» d.o.o. Zavidovići, kao davalac komunalnih usluga , kome je povjereno vršenje komunalnih poslova, raspolaže određenom opremom, sredstvima rada i odgovarajućom stručnom radnom snagom, koja zadovoljava minimalne uslove za obavljanje komunalne djelatnosti, te omogućava ovom Javnom preduzeću da u skladu sa utvrđenim standardima i kalkulativnim parametrima zadovolji potrebe individualne odnosno zajedničke komunalne potrošnje.

Predlaže se Općinskom vijeću da razmatra predmetnu odluku.

### FINANSIJSKA I DRUGA SREDSTVA POTREBNA ZA SPROVOĐENJE ODLUKE

Za sprovođenje ove odluke nije potrebno planirati finansijska sredstva u Budžetu općine Zavidovići

### UČEŠĆE JAVNOSTI U DONOŠENJU ODLUKE

Služba za upravljanje poljoprivrede, vodoprivrede i komunalnih poslova provela je javnu raspravu oglašavanjem u medijima a zatim organizovanjem diskusije sa prisutnim građanima u Velikoj Sali Općine Zavidovići, koja je održana dana 22.06.2011. godine. Usmene primjedbe koje su iznesene od strane pojedinaca su tonski snimljene a zatim štampane u formi zapisnika sa održane javne rasprave, a pisane primjedbe su dostavljene poštom. Zapisnik sa javne rasprave dostavljamo u prilogu kao sastavni dio ove odluke.

Prilog:

1. Izvještaj o javnoj raspravi
2. Zapisnik sa održane javne rasprave
3. Spisak prisutnih na javnoj raspravi

4. Prilog MZ „Asim Čamdžić“ broj 08-01-48/11
5. Prilog USP Zavidović i broj 26/11
6. Prilog Čahtarević Fatime
7. Prilog JKP „Radnik“ broj 1276-238-03/11
8. Popis opreme i sredstava JKP „Radnik“ d.o.o.
9. Popis radne snage JKP „Radnik“ d.o.o.

OPĆINSKI NAČELNIK  
Hakija Osmić, dipl.ecc.